

叢書集成三編 第四五冊目錄


文學類



詩別集——清

侍雪堂詩鈔六卷	清	黎兆勳撰	黎氏中研所	〇四五	〇〇一
影山草堂學吟稿一卷（又名邵亭外集）	清	莫友芝撰	獨山莫氏中	〇四五	〇七一
養知書屋詩集十五卷	清	郭嵩燾著	養知書屋	〇四五	〇九七
鶴巢詩存一卷	清	顧淳慶撰	顧氏中研所	〇四五	二二七
瑟廬遺詩一卷	清	章永康撰	黎氏中研所	〇四五	二四三
悅坳遺詩一卷	清	鄭 堉撰	黎氏中研所	〇四五	二五五
慕耕草堂詩鈔四卷	清	黎庶燾撰	黎氏中研所	〇四五	二七七
集東坡七言詩聯二卷	清	莫友芝編	獨山莫氏中	〇四五	三二三
青田山廬詩鈔二卷	清	莫庭芝撰	黎氏中研所	〇四五	四〇一
湘痕閣詩稿二卷	清	袁 嘉撰	隨 園	〇四五	四三五
文誠公詩稿拾遺一卷	清	袁保恆撰	袁氏家集	〇四五	四四九
閩南雜咏一卷	清	袁 綬撰	隨 園	〇四五	四六三
椒園詩鈔七卷	清	黎庶蕃撰	黎氏中研所	〇四五	四七一
閩學公詩稿拾遺一卷雪鴻吟社詩鐘二卷聯語錄存一卷	清	袁保齡撰	袁氏家集	〇四五	五六五
范伯子詩集十九卷	清	范當世著	范伯子	〇四五	六一九
介卿遺艸一卷	清	顧家樹著	顧氏中研所	〇四五	七五五
潔貞紗櫥繡餘存草一卷	清	胡淑福撰	胡氏中研所	〇四五	七六一

侍雪堂詩鈔



本書承中央研究院歷史語言研究所借用影印

謹此

致謝

新文豐出版公司 謹啟

侍雪堂詩鈔

光緒己丑春日
刊于日本使署

從兄伯庸黎府君行狀

兄諱兆勳字伯庸號樹軒一號橡村晚又稱憫門居士
遵義黎氏祖諱安理以舉人官山東長山縣知縣考諱
恂字雪樓以進士官雲南巧家廳同知妣周宜人兄為
雪樓府君冢子生有殊秉九歲即能口占五七字詩戲
贈同輩稍長先後隨宦山東浙江惆儻有大志不屑為
鄉曲諛儒人或目為狂雪樓府君之自桐鄉歸也以詩
古文倡誘後進於科舉之學未甚屬意故兄年逾弱冠
猶未令習制舉業二十三出應童子試不售歸乃取坊
塾時藝揣摩之以為不足學棄去比逾歲再試遂以古

行狀

學第一補諸生學使錢唐許尚書乃普負知人鑒得兄
春驚異之未深信於覆試日面以溫飛卿詩句命題令
獨賦兄頃刻成五言八韻四首尚書披吟移晷謂曰子
他日必以詩鳴第品骨近寒恐祿位不及才名耳自是
益肆力於古與外兄鄭子尹珍共硯席者七八年兄天
性高曠其讀書串穴古今尤縱其才力為詩詩所不能
盡溢而填詞詩不專主一格詞則服膺辛劉周秦為多
歲己亥山陰平樾峰太守輪來守吾郡聘子尹及獨山
莫子惇孝廉同修郡志平公故愛才下士篤嗜風雅偶
聞兩君道兄才即以所作感懷八律郵筒索和兄一夕

次韻寄答平公得詩詫為奇偉即延至署訂交兄以一
諸生布衣芒屨往來二千石之庭升堂抗禮忘其勢分
之相懸也然文章詩酒外絕不及公私一語平公尤重
之會雪樓府君令滇南兄策馬趨庭比至登五華泛昆
明盡覽金馬碧雞之勝歐弔莊躡南詔益以助其詩境
於功名未嘗汲汲也年逾強仕雪樓府君乃援永昌軍
例為報捐教職兄聞之歎曰吾黎氏世以科第起家此
事可自我作俑乎既而曰青蠶亦吾家故物也使得藉
此讀書餘薄祿了吾親三徑資亦未為不義己酉秋權
石阡教授石阡舊稱僻壤兄至被以絃歌澤以文藻士

行狀

習為之一變又二年補開泰訓導課士一如石阡暇復
重編董忠烈公三讓蓮花山墓紀畧又蒐輯明末貞臣
逸士零章斷句為黎平詩系又欲輯本朝貴州人詩奉
拳於鄉先掌故未幾古州苗變洊擾黎平兄奉檄防堵
出入蠻鄉瘴嶺間瀕危者屢矣事後嘗曰吾於蠻村夜
宿時每折聲四寂星斗芒寒靜驗身心反諸平旦乃知
龍場謫戍得悟良知亦緣處境始然也兄至是殆欲刊
落詞華一歸於性命之旨矣後以防苗功擢湖北鶴峰
州州判兄念兩親年高不欲遠離而雪樓府君歸老林
下杖履方便促令出山丙辰秋赴鄂至則益陽胡文忠

公方開府是邦以兄才士又黎平故吏也留居省垣攝
藩照磨人咸謂守令可旦夕致而兄不肯趨伺長官故
每值遷調忌者多以簡傲見阻癸亥調補隨州州判兄
性豪爽重交游願取友必慎於黔惟唐鄂生觀察胡子
何趙曉峰學博趙兩三同守及子尹子愚兩孝廉最稱
友善至楚則監利王子壽比部龔子貞學博陽湖徐子
楞布衣江甯汪梅岑孝廉中江李眉生觀察數君子而
己所至無標榜聲聞居澗潔一室環列圖史淪茗賦詩
其中歌嘯自如明年遭雪樓府君憂奔喪旋里兄痛一
官羈滯未得躬親斂室哀毀之餘偶染時疾十日竟卒

行狀

三

同治甲子八月二十日也享年六十有一配阮孺人妾
陳氏梁氏無子以叔弟兆祺子汝弼為嗣孫一棟著有
詩雪堂詩集八卷詩煙亭詞四卷兄生平篤於友愛余
家期功兄弟九人多從兄授讀庶幾服兄教二十年深
愧學行無似惟略陳梗概冀當代立言君子錫以傳誌
而傳之不朽云從弟庶幾謹狀

從兄伯庸先生墓表

同治二年癸亥八月二十九日我世父雪樓公告終明年春兄自隨州州判任內奔喪旋里年六十矣先以水陸城頓失飲食節至又哭泣摧哀傷彌甚既葬族作八月二十日亦卒春秋六十加一十一月初三日附葬車田芝山世父墓右兄諱兆勳字伯庸晚號澗門居士九歲即能為五七言詩持贈同輩長老驚歎既冠俊邁有奇氣不肯役志帖括世父亦雅不欲強之兄進則奉槃御食左右就養退則與外兄鄭子尹珍同事研席銳志求通於古而趣嚮各殊子尹稽經誼史志為通儒兄則

墓表

端力於詩上起風騷訖於嘉道無不諷味以為詩者性情之極則也治之六七年而業日以精道光壬寅癸卯間世父出宰漢南會獨山莫子偲友芝奉其尊猶人先生之柩東葬吾里青田山去黎氏舊廬六里而近三家者互為婚姻又同志友善兄於是方領家政外應賓客內督諸昆季積苦力行井井有條理日夕發書與子尹子偲相違覆以詩古文辭交摩互厲風氣大開久之羣從子弟服習訓化彬彬皆嚮文學矣年二十四補縣學生員十試於鄉不得志於有司始援永昌軍州州判教職已酉署石阡府教授又二年補黎平府州判奉旨訓導

最後以防苗功選湖北鶴峰州州判至楚撤署藩照磨兼鹽庫大使同治元年調補隨州州判時喪亂之後兄以薄宦羈旅鄂疆位卑而祿微權輕而事減恆不能以通其志悲愉欣戚一寓於詩間與監利王子壽柏心龔子貞昌運陽湖徐子榜華廷中江李眉生鴻鶴往來唱酬訕譏笑歌肝膽豁露多不平之鳴蓋才人不得志於時者之所為也少作千數百篇至老刪削且盡僅存四百餘首第輩強編為侍雪堂詩鈔八卷尚非意所欲留早歲刻者有葑煙亭詞三卷後續一卷餘著多未成家世具世父墓表配阮氏妾陳氏梁氏無子以叔弟兆祺

墓表

子汝弼嗣孫二兄與鄭其兩徵君同時并興名在其次而知之者少獨令其孫尚書潘祖蔭稱之曰鄭子尹莫子偲黎伯庸皆跨之通人也眉生亦至稱之曰伯庸天機活潑灑落塵埃吾弗如也余為次敘厓畧俾異世治黔故者有所攷論焉從弟庶昌表

序

黎君伯庸之官楚北也余司鐸鍾祥耳其名而未識其人每友輩從鄂垣來者必說黎君皆嘖嘖稱風雅士蓋素以能詩名踰疆中原才士鮮弗知有黎君者心竊慕之亟欲快睹其為人而讀其所作咸豐四年秋流寇逼郢郡合境團練為防禦計鍾祥太守治所也黎君以藩署參軍奉檄來司饋餉捐輸事余始獲與訂交傾蓋談心遂往還無間因遽窺其著述領其緒論乃知黎君當代人豪洞悉古今治亂不僅以風雅自居其形諸歌詠者特寄興焉耳故君詩高古簡勁其言多悲憫時艱獨

序

披胸臆扶去雷同剿襲積弊尤難及者君以則近大倖近屬不欲顯為危言激論恣肆譏評雖值山水登臨之會朋儕贈答之篇隱然抒其憤懣慷慨而終寄託遙深譬喻微婉令讀者從言外挹之其善養復如此豈區區以筆藻自街者比哉余意君負幹濟之才方聲噪縉紳間當必拔擢見用於世不徒託諸空言視余潦倒閒職失意罷歸行年六十莫遠所懷者何啻霄壤乃黎君頻寓書來亦鬱鬱不得行其志將圖高蹈退歸泉石嗟乎君之遭際竟復同然余既悲已而更惜君奈何天生我輩例必窮愁抑塞之不遺餘力昔賢謂詩必窮而後工

豈真古今一轍耶殆至是而知天之所以命若人者不在彼而在此焉君自今寡舉塵遠之表取助煙霞學養彌運蘊為金石之音一於詩洩之雖塞在一時要必聲施後世立言之效寧多讓於立功之不朽乎今將梓厥舊稿質諸世遠屬序於余余無當於知言而忝在交厚不能緘默爰書鄙意若此監利龔昌運

序

二

待雪堂詩鈔卷第一

連義 黎兆勳 伯庸

述懷五首寄同學諸子

落落窮巷生君我同臭味寥寥懷古心圖史日經緯閉門形影得困學精力費我謀何太拙必欲昌吾氣吾氣豈易昌此身良可貴慎勿怨斯飢南山歌蒼蔚

西南辭賦祖揚馬千古無當其歛賦時意氣雄萬夫若平隱卜肆講易常晏如澹泊發古懷垂簾潛著書著書卧里閤歛賦遊帝都以賦持比書所樂孰有餘

待雪堂詩鈔卷一

一

得亦已細所業日益荒似聞東家翁鐫錄泣孤孀淵明恤人子老杜簡吳郎吾儕請自勵薄道天所成

吾鄉數老翁峻潔見風概家寥繼前修隱隱待我輩二李白雲先生先生非今不作羅唐敬亭先生先生姓亦堪慨

誰甘荒微窮千載聲名晦吾欲葺祠宇歲時薦蔬菜一醉詩人魂臨風擬蘭佩

離酒醉流笑歌醉巖壑同堂忘歡宴別去各蕭索絡緯鳴庭隅蠅蛸挂簾幕行者愁飛蓬居者歎病鶴短章慰離思夜深還獨酌

曉發綏陽至黃魚橋

烏雅喧遠天晚析山城歌行人出樹杪笠影帶殘月微茫驛西樹明滅巖際雪人語生斥候鐘聲散林樾曉行寒夢醒古道冰泉咽山川方寂然人物兩清絕

偕鄭子尹珍姊夫夜話二首

六經秦火餘諸子言各殊天人闡聖學吾崇董江都當時豈無賢所見皆方隅江公雖不叻亦難與並驅吾觀宋理學不盡輕漢儒且於董子言論道必與俱古今無二理豈容私意誣漢唐宋諸賢學絕道自符如何訓詁士喋喋譏程朱

待雪堂詩鈔卷二

二

見清河傳曲學悲公孫後來嚴氏傳賊拜東門雲我我兩博士廉直殊超倫胡為諸弟子行修不能遵後儒論秦相罪斯先罪荀此意誠謹嚴請為賢者陳

九月十七夜東谿放船過禹門山

波光亂點影不定明月已上青林端我行獨愛暮山迴與客放艇虛明間長河低昂碧波近眾星錯落蒼蒼龍蟠此時原野半明滅山根一抹炊煙殘琴洲余家門首洲名東畔暫停權風露滿身人影寒仰視月輪貯虛碧水天上下雙玉盤溪山人物兩清潔祇有石灘鳴風湍烏更漁火夜還夜雲碓松門灣復灣乃知人世有仙境亦須卜築

臨江千呼吸寒光盪心魄此中正少閒人間憶昨江頭
醉重九野煙漠漠浮波瀾渡江巖嶂一揮手力與後秋
窮追攀木葉四山綠未脫但見積翠迷峰巒歸來幽思
鬱難洩新詩欲吐心暗慳今夕何夕客當醉扁舟拍拍
輕往還驪龍吐珠水仙笑野鶴橫江霜影乾我疑漢陂
赤壁之遊景若是恨無詩老同清歡迴舟復掠雲際寺
清詠豈惜留禪關

月下偶成二首

江月欲墜樹山風吹上天幽人踞花影散步庭階前仰
觀白雲沒繚繞西巖巔河漢澹無色明星三五懸臨風

侍雪堂詩鈔卷二

三

發浩歎興言自成篇

夕露霑我衣涼風吹我榻深夜不成眠閒庭響秋葉行
吟望明月仰手如可接清光為誰來問月月不答誰和
苦吟聲寒蛩語嘈嘈

山夜二首

田間月出吾始歸籠燈香裏宵露微草堂螢火亂疎竹
涼風肅肅吹巖扉歸來釋未忘天晚老母厨中呼我飯
飢腸正須澆濁醪三杯既醉神陶陶浩歌一曲懷沮溺
明月在窗燈動壁

深夜讀書快胸臆晝思微茫夜忽得古人通經期三年

正恐襟記心紛然近來疑義因思積俗學叢叢謬誰開
安得十畝長力耕飽食夜讀聽雞鳴山中儒生幾人在
自悔疏慵忘世情

蓮花博士歌

蓮花博士今詩仙謫仙樓上懷青蓮紫綺貂裘貫纓酒
雪花如掌飛上天倚樓長嘯望銀海四山雲捲兜羅綿
仙之人兮騎白鳳爭看醉墨飛吟箋我昨讀書東谿宅
索笑梅花詠瑤席聞公詩句滿城傳筆勢縱橫凌太白
恨未從公登此樓鳳笙龍管歌千秋還將氣隘九州興
分取南來萬斛愁

侍雪堂詩鈔卷二

四

寄懷張子聘朝珠表兄

風磴雙流瀑雲溪半夜春宵來橫笛處月挂隔江峰夫
子強為善吾生甯自慵懷君當永夕愁倚碧山松

宿禹門禪院寺為文雪
禪師道場

寒濤春我枕不寐出僧房古殿星霜白高林風雨蒼秋
心空半偈夜氣出真香黯黯前朝事幢鈴照上方

秋江曉望

石頭山外曉秋寒浦口漁舟早下灘風露滿江人去遠
一痕殘月墮林端

東昨日招飲友人

山風掃殘雨吹月墮林薄幽光上人衣流影照西閣旅
思空寂寂寒花自漠漠故人忽枉召佳會難再作流連
絲竹音暫憩風塵脚烏嘯石城晚猿嘯霜葉落送客驛
樓燈懷君山戍柝徒令碧雲夢悵念青田鶴明日儻相
從試結煙霞約

子尹斗亭看菊

客思澹晨夕秋心難自羈忽憶南邨友霜花含東籬因
隨老人履兩筇笠展朝過之雨師亦不惡放晴剛及時
坐君斗亭上籬菊幾朵主人門未開花中已有我露
寒荷菱波未落山見髻采采庭前芳黃葉打頭墮

侍雪堂詩鈔卷二

五

西風吹酒入花氣侵肌涼始知幽獨中別有真色香秋
意澹無慮林山空阻長敵虛儻可即其兩朝朝陽

貴陽秋感

江山搖落客悲秋俯仰塵寰感壯遊結納不逢湖海士
登臨長抱古今愁嵐光曉泛過城兩霜氣宵飛傍水樓
正是憑闌惆悵處西風黃葉響簾鉤
立馬南來望八荒西風殘照古黔陽連峰有驛通滇楚
絕徼何年歷漢唐虹桂晚煙深箬黑龍歸大壑暮雲黃
憑高徧數天南險十萬奇山擁夜郎

古銀杏歌

千年之木南中多吾鄉銀杏今作歌夏寒冬暖異地氣
枝幹上與雲霄摩傳聞山魃木魅幾更換曾孫人物頭
頻皓此樹高難尋丈計不狼山勢爭嵯峨樹頭靈祠神
所家焚香打鼓驚神雅青煙一縷出樹杪頃刻四野雷
轟車根蟠九地開水府石蹲千棱駭怒虎積陰翼日變
昏旦百鳥巢雲各部伍就中一輪黝撐鐵四面兒孫拱
初祖我觀此樹頻咨嗟物久通靈誰敢侮自吾之生有
見聞或折微條傷左股臍攀相禁摧風枝翦伐誰能揮
月斧後來視今今視昔鬼神庭宅民所主願神勿作木
居士近來祈福無推魯

侍雪堂詩鈔卷二

六

上山謠

南山插天牂柯鄉北山撲地雄不狼南北削鐵夾延江
萬仞壁立為池隍山高尋雲焚道長境入星宮依盤窪
是非禹力不到此蠻山自足防洪水地望不踰一千里
百萬峰巒雀躍起如綫如鍼蜀江比所餘隙壤皆窳品
物產不足繁生齒烏蒙險關羅甸雄鑿山開道來唐蒙
一重一掩一部落郡縣乃許通黔中鼉水毋斂王多同
此邦甲子長鴻濛我思層巔窺碧叢雲日慘澹猿嘯風
陽虧陰匿闕荒怪中有元氣長沖融

有約

沙灘四月風花香紫燕黃鸝鳴草堂仰屋著書聊自苦
典衣沽酒不須傷禹門寺筍兩番出龍尾潭魚尺半長
有約朝來不肯過南山日斷煙蒼茫

書堂夜坐

門掩茅庵磨數聲池荷香定客心清晚風疏澹不成雨
新月一彎林際明

谿上

晚坐石谿上愛茲谿水清天人共高迴風月生虛明誰
道芳洲樹長喧亂葉聲秋波無限思為我作寒鳴

西山寺秋夜

侍雪堂詩鈔卷一

七

佛影蕭蕭香火溫一痕月挂西南邨老僧讀罷楞嚴呪
葉落空山虎打門

寒夜吟

梅香凜凜黃竹簾巖角冷墮明河蟾夜寒星影壓窗宿
老屋一燈紅過簷

聞處人家有梅花數株

河之水活一波淺碧滌沙江上一鷗白風前萬竹斜我
攜野鶴子訪山梅花路長不可見日暮令人嗟

子聘表夜過

貧賤惟人老才與世違為儒空自幸作善豈全非常

笑愁康懶誰憐李子歸僕因微雨過見面不愁稀

三汊河石瀨

雪浪飛成雨靄雷響入空渙鱗騰曉日飢隼逐晨風雲
水浮孤嶼魚竿隱釣翁寒谿吾欲老此意與誰同

黃魚橋旅夜寄丁大

牛羊下高隴日脚墮遙峰野戍孤吹火僧樓鬼打鐘適
來從侶少坐對夕雲重悵望東邨隱天寒欲往從

水邨日夕

蕭颯激潭斂碧漪一星煜煜點波時鯉魚挾浪忽飛去
驚起沙鷗上樹枝

侍雪堂詩鈔卷二

八

客從遠方來

東門城上烏年年尾畢遺主人有嘉客招邀入酒壚壚
頭何所有槽滴紅珍珠席上何所設鮮烹素鱗魚中厨
臠胎鰕芼以薑桂蘇客來但高坐酒進雙玉壺飲酣笑
謂我此客非窮儒十二學騎馬十三稱壯夫十五學擊
劍十六讀詩書又諳兵陣事十九通孫吳不侯笑李廣
作賦輕相如遂投班吏筆竟棄終軍繻是時西走坂河
朔飛兵符駕我箭雲馬彎我青瑠弧投身向玉關萬里
無長途軍門見主將陣陣先鋒俱一戰渡河湟再戰掠
穹廬三戰擒格爾鐵山先獻俘將軍大歎賞謂我技勇

殊佩我呂虔刀騎我汗血駒拔我為材官出入同馳驅
衆中自顧盼壯此七尺軀塞上天兵還隨虜入皇
都諸將倏然貴見之避路隅姓名久不達蟻蝨生袍襦
深夜行太息顧影慚頭顱去爾舊時甲脫身歸里閭鄉
人競覘齷惡少爭擲榆翻然忽自悟涸跡山澤灑低頭
讀經史抗懷秦漢初汪洋涉其濶浩若凌江湖泛泛得
其似徐徐擷其腴黯黯窺其緒紛紛拾其餘此來五六
載經訓勤蓄畬匣中一卷書頗勝府中趨君試檢其文
慎勿輕區區我聞主人言舉杯還相於謂是古賢達乃
非名利徒男兒生世間豈必皆樵漁時來八駟列富貴

寺雪堂詩少卷二
下四言詩金卷一

九

驕妻挈運去雙眼白銚青幽夢孤我年較客少我學較
客疏文章求自達此外無所圖不圖南山豹遇此老於
菟要當共吟嘯掉臂相嬉娛吾為若楚舞汝為我已飲
閒拉老農飲醉情郵農扶遊戲深山間得酒即先沽無
煩誇事業談笑答羌胡

山蠶行

蜀人愛家絲不及山絲繁而長黔人重春絲不若秋絲
柔而光贈君一疋五丈絹齊紈魯縞差較強我識山絲
宜齊上齊而能富民爭取勸君樹樹桑蠶坡正疊
祈蠶鼓

雌風曲

此水寒咽金輪斜道宮星羅曉曉惟蠻奴火鳳檀槽抹
家山入破彈琵琶笛聲裂雲寒不動舞羅霧起湘簾重
鏡檻花籠珠箔人鯉魚風颭鴛鴦夢月明鬼哭金勾闌
大刀已入婁山關鐵礮環攻峭壁折驪珠擊碎小江寒
楊花飛盡江水碧雌鳳偃雲泣荒宅紅桐一行怨雄龍
紫蒿千年帶嬌魄八郡遷移邨落稠九歌哀怨蠻兒謳
後谿渴盡海龍出水曲聲凝離風愁

贈李和甫

鐵鷄聲不斷酣飲擊黃虜連幕得豪士李生如我狂高

寺雪堂詩少卷二

十

情凌數子大笑博千觴歲晚忽相別令人空斷腸

安平旅夜

短後衣長著初寒酒易醒霜飛孤戍白山壓百蠻青嶺
路層層計夷歌款款聽黃雲天萬里匹馬自趨庭

易隆驛

即木密所武侯
此

馬頭南去路放眼亂峰平日落易隆驛煙荒諸葛營
兒朝拜樹有古柏相傳武侯所植關折夜傳更搔首英雄事西風

獵獵鳴

五華山曉望

漢代旌旗地唐家烽火樓雞鳴關月曉龍去海天秋霸

氣難終古蠻煙自遠愁誰知萬里外也有帝王州

始泛滇池

滇池之水云倒流來觀自買城隅舟江風浩浩客解纜
空明十里隨輕鷗隆冬景短雨初霽雪浪遠疊雲邊洲
千搖萬兀到濶處始識大地如萍浮雲帆遼遠去不怠
風濤排拶無時休采虹明滅落何處一角仿佛昆陽州
當年旌旗習戰伐幾人飲馬天南頭河山莽莽自今古
碧雞金馬驕王侯湯沐兒孫擅王祿老夫蠻長君何羞
此水可娛亦可溺慎勿狎浪輕浮渥我從今夏到滇省
五華絕頂舒雙眸城頭萬頃盪雷雨海氣漲溢西山陬

侍雪堂詩鈔卷二

十二

心驚巨浸五百里頭角恍惚飛長虬當時意氣渺湖海
拔劍欲與蛟龍鬪月來病起始親訪豪氣縱橫天遣收
牛弩筆力挽忽失空有萬斛胸中愁好山好水豁心目
煙艇泛泛聞漁謳況值天寒水落浦琉璃凍滑風颼颼
買魚煮酒坐蓬底浩歌綠水銷離憂不須懷古意悲激
山月海風從去留逆流順流俱莫辨水天自寫江南秋

南中襟感五首

叢山虎豹走班班石砦柴門畫亦關舊俗敲殘銅鑄鼓
南風吹瘦月成環詩情漸冗能為崇海色無多莫洗顏
紫蜩金蠶愁蠱毒故鄉惟冀得生還

南來詩禮歲云徂子舍依依兩月無不吏不官馳驛去
應牛應馬任人呼持書還謝那根矩倚勢作威馮子都
長揖權門歸路永不妨著論學潛夫

幼安初欲老遼東豈識行藏類轉蓬世事本難防市虎
代人何必纂飛鴻避君三舍敢云戰載鬼一車都是空
夜半尊前還獨笑近來深愛蠟燈紅

蘇程新喜作比鄰昨日書來獨愴神聞道烏生八九子
更無兄弟兩三人衰年涕淚諸孫天冷銚宵炊寡婦貧
檢點行裝無物寄不知何以慰吾親

還鄉有客意難遮一紙煩君早到家去日能談天外事

侍雪堂詩鈔卷一

十三

歸裝不載日南花姬隅我或吟蠻府阿堵錢難付畫叉
夜半牛車呼早發絕憐心跡異秦嘉

呈貢道中

四月八日客行急海風阜水高于岡白龍挾雨度山去
赤日墮地沙茫茫

西山人家幽僻處

密雲灑凍雨芳草綠滿庭誰欺廬此間巖膏發清磬颼
颼松下宅靄靄松間磴客程倦行役小憩心且定迴谿
青淙淙石瀨入虛聽

寄題烈婦並序

烈婦姓黃名寅叔廣東人父官新平典史塔賴
某由貴陽至新平婚三日病瘴亡婦樓居三年
八月十五夜投署井死與塔合葬於新平城外
張訓導構索題賦此篇寄之

西風灑露苔花紫天半銀蟾墮秋水瑤弦夜裂獨繭絲
黯黯孤凰聲盡死海南仙人樓瘴鄉蕭聲澹遠迎蕭郎
郎來為妾郎先死一夜瘴花飛洞房押不蘆花尋不得
重泉有路儂能識直取寒波作妾心敢悲魍魎留南國
紅土坡低雲斷痕駸女孀童聲暗吞天邊蜀魄啼山竹
陌上蠻姬拜墓門東風吹樹離鸞語前有蝮蛇後猛虎

侍雪堂詩鈔卷二

十三

山程

窮荒倖不飽妻孥問翁何事來茲土與翁同出不同歸
井底桃花心事微烈婦死後井水泛紅數年人不敢飲莫攀連理墳頭樹
驚起鴛鴦向北飛

溼林蒙朝光衣霧紛上騰駕風羣霞東日吐翳復乘積
葉涸澗水冷碧森鬚髻凌巔復下谷去羨飢飛鷹潭河
懸亂流沙水腥可憎趨趨策衆足逆浪紛裂繒小憩巖
下廬日午猶明鐙篋漸入甕釭飲者胸結冰清懷不足
惜坐媿吾難能

新化州山中

浮浮五色虹避日下山靄倏焉化為馬騰蹕入谿內南
踰百丈梁架空走湍瀨疑從天上來活活寫清快山中
乏糧食飲水亦堪愛松雲不濡衣結纒在襟帶客程臘
月餘此景日相對我馬徒爾勞我僕倦行邁聊為逍遙
遊凌風聽天籟

觀鐙歸來作

市鐙白撲地營鐙紅上天市鐙婦女看營鐙軍吏觀元
夜大營故四面鐙為垣中央五米橋鐙火光若山人從
橋上望龍從橋下翻忽然盤旋上鼙鼓爭喧闐龍升珠
條墜龍降珠忽驚龍如米虹舞珠似明月圓不知來何

侍雪堂詩鈔卷二

十四

物下引龍哭前星毬滾橋下嗅地金毛旋龍抱珠遠颺
獅蹴毬翩翩前獅方仰距後獅來連蹀或一推一挽或
一撲一掀或再投再挾或兩脫兩奔或火輪騰日各張
口欲吞或飛星掠水倏接手遙攀去如罔求珠來如係
弄丸俯如鷹擊鳥仰如狐鍊丹節以金鼓聲跳躍春風
顛少焉人海沸獅龍兩寂然但見五色花煜煜紅雲端
銅盤然絳蠟倒懸千枝蓮光照營內外盪魄搖精魂昂
昂邊將軍堂上開華筵招邀遠遊客我亦蟲其間龍頭
瀉玉琰鶴屬堆金錢舉杯笑謂我小技未為妍還呼都
盧檀並樹煙火竿綠光一綫媚萬口噤不喧忽聞大聲

發白羽空中攢金蛇走百道赤鱗飛千班雷公轟天鼓
冰電彈雲煙右竿擁樓閣金碧光華鮮中有長眉佛趺
坐袒右肩蠻鬼紛繞市膜拜來蟬聯座客競覘瞻拍掌
交騰歡不圖山城伎有此奇巧傳將軍起送客燈火光
闌珊城柝不聞聲縣樓門已闌歸來西廊下鐙火人不
眠獨有娟娟月尚挂梅窗邊

曉泊

曉色迷湖天浦口一帆落蕭疏太華雲帶雨度西郭驚
眠沙岸樹人語煙中泊殘星下遠水宿霧出高閣湖波
界稻畦夾岸碧參錯時見湖邊人草露溼芒屨朝光動

侍雪堂詩鈔卷二

十五

阡陌臺笠勤早作久客念桑麻始識耕田樂

黃華老人畫松歌

黃華老人腕是鐵畫出松枝勁無敵一株橫卧一株立
枝枝皆帶風雲色雲南萬嶺松成林高巖下壑蒼龍吟
西山數株更奇絕蛟龍窟宅陰沈沈此圖仿佛得其真
毋乃畫師攝魂來寒岑昔人畫松石作土松氣成龍石
成虎此松寫餘石即根颯颯寒枝戰風雨滇人畫松我
未見仰亭往往留長絹人言瘦硬已通神我覺離奇無
直幹李侯筆法翁能變

板橋道中

鷓鴣哨上鷓鴣鳴寒塞重來跡轉迷髣髴呼燈孤戍黑
昏黃踞月亂山低即教今日尋鴻雪未許平生信馬馳
行到板橋三十里荒林迴首暮雅棲

滇南勝景贈寺僧

前年十月雪花開煮酒山房看老梅斯地有緣成獨往
故人今日又重來詩魂澹澹天邊月林影蕭蕭掌上杯
莫向石虬頻話舊浮生何事不堪哀

寺此軒

觀瀑渡白水河

大山復小山走入銀河灣仙人笑謂我此客天邊還正
須駕白霓送客出雲關簸揚萬斛珠揮灑雙煙鬟下見

侍雪堂詩鈔卷二

十六

水犀甲時露鯨魚斑乍觀欲眩墜靜聽仍清閒黔山盡
培塿黔水皆潺湲龍伯厭涸轍激盪巖壑間石立水爭
峭水飛山益孱山石截高下此水成連環客程趁朝日
俯愛光磷編吟詩寄白水一洗塵垢顏

山園東子尹子聘

秋涼風脫葉吹我松門關明月澹將夕孤雲猶未還懷
君花徑遠散步柳陰閒悵念羈棲侶心勞跡自閒

寒夜數為友人吟

涼風蕭蕭吹我衣短褐獨向田間歸我身凍立腹不飢
卧病聽婦鳴寒機他家兒女酣睡足我家篝燈照茅屋

天吳紫鳳君豈貧嗟我尚媿杜陵人吾兒復禪今未有
且令著襦捉熨斗

春懷三首

春暉麗百卉光風扇巖巖道是山中人卻少看山眼谿
口幾重花白雲自深淺有懷長不來濁醪聊自琰
曼卿一丸泥化作千巖花不似武陵桃洞天私自誇丈
夫不得意揮手成雲霞死主芙蓉城生前良可嗟
架上紅珊瑚終歲煥光采夜月明丹心孤根在東海聞
君東南遵慎勿沈網採昔別念故枝至今心不改

山齋題畫

侍雪堂詩鈔卷一

七

湖東亭子幽且孤落落長松三兩株湖西林巒特娟好
林外高巖氣蒼老畫中不著看山翁我疑孤亭藏客蹤
亭上雲煙變昏旦遠山橫秀分清濃山光水色迴巖下
知有林山帶平野其中約畧多水邨畫師未寫吾能寫
虛巖轉折層層皺卻於側面留全神苦從畫外談風格
不若圖中作主人石林野屋隔江宅廬中無人水光碧
五月江深草閣寒少陵詩境人難識蓬心筆妙清且適
襟懷澹遠韋蘇州曉來畫裏逢公處落葉江邨獨倚樓

藕塘

大葉沈陰野水隈夜涼先遣一尊開兒童笑掬衣香戲

知在藕花深處來

夜聞秋風

錢江鐵弩胡兒騎都被秋風夜挾來我聽林聲清不寐
挑鐙重把酒尊開

八月十七日自家往瀘洲宿團澤口

亂雲擘絮晚馳東鳥道盤回上碧空寄語衰親休悵望
兒行猶在此山中

夜郎三坡

昔人遊劍外蜀道在青天迴首三坡路開荒幾百年地
偏曾置驛山盡即乘船秦棧知何似愁生落照邊

侍雪堂詩鈔卷一

七

七陣谿旅夜

夜半人呼渡一邨天已霜雞聲催曉色人影動宵光憶
慨風塵事敝區道路荒牂柯窺古郡離思接瀘陽

途中禱詩二首

連山如崇壙曲徑度還迤肩輿橫忽豎推挽行復止谷
風偃峽林缺處露邨市魚貫者誰歟下見負鹽子危徑
與隸爭汗滴晚煙裏賴肩難遽呵什米話生理我行當
曉日日入行未已登山招白雲泛艇弄秋水

百丈插水巖壁上迸飛瀑我舟行瀑下琤琤鳴碎玉槎
枻大灘來篙師氣先肅扁舟剝風雨眩眼雷電速拋梭